

Vuk'uzenzele



Produced by Government Communications (GCIS)

English/Sesotho

| Loetse 2018 Kgatiso 1

Free Copy

Let's tour Mzansi



@VukuzenzeleNews

Vuk'uzenzele

ALSO AVAILABLE ON:

Websites: www.gcis.gov.za
www.vukuzenzele.gov.za
E-mail: vukuzenzele@gcis.gov.za
Tel: (+27) 12 473 0353



Dijo tsa kahare ho naha di monate haholo bakeng sa baeti ba mose-ho-mawatle

Dale Hes

Baahi ba lekeishene la masepala wa George ho la Kapa Bophiri-ma ba tlo fa bahahlaudi ba mose-ho-mawatle bosiu boo ba ke keng ba bo lebala ka letsholo la *Dine with Locals*.

Letsholo lena ke karolo ya ho keteka kgwedi ya Bohahlaudi mo masepala o kgethileng dihlopha tse tshelletseng ho tswa makeisheneng a Thembaletu le Pacaltsdorp hore a amohele bahahlaudi ba mose-ho-mawatle bakeng sa ho ba phehela dijo tsa maemo a hodimo le boithabiso.

Jwalo ka karolo ya boitokisetso ba kamohelo ena, dihlopha di ile dithupellong tsa dintlha tse amanang le bohahlaudi le phepo ya meketeng.

Ba ile ba rutwa ka ho iqalla le ho itsamaisetsa dikgwebo tsa bona, ka maikemisetso a hore ebe batho ba ikgollang



■ Baeti ba natefelwa ke dijo tsa mantsibuya tse tsamaiswang ke Sehlopha sa Explore our Hood ho la Thembaletu jwalo ka karolo ya letsholo la *Dine with Locals*.

ba atlehileng kahara indasteri ya bohahlaudi.

Nomzamo Entile (31) eo e leng karolo ya baetapele ba dihlopha tse tshelletseng o etelletse pele sehlopha sa *Explore our Hood*, se tswang Thembaletu. Entile o thehile *Explore our Hood* ho phahamisisa moya wa kopano sebakeng sa George.

“Re ne re lemohile hore hona le karohano pakeng sa ditjhaba tse fapaneng tsa George. Re batla hore batho ba kene makeisheneng mme ba bone hore re na le setso se kgahlehang sa amaXhosa seo ba lokelang hore ba tlo iponela sona,” ho boletse Entile.

Pele ho Kgwedi ya Bohahlaudi, sehlopha sena se se

phethetse diteko tse pedi tse atlehileng, tsa ho amohela ditho tse etileng tsa indasteri ya bohahlaudi.

“Re ikutlwa re se re loketse hape re nyakalletse ho amohela baeti ba mose-ho-mawatle. Re tshepa hore sena se tla re bulela mamati hore kaofela ha rona re fumane boiphihlollo indastering ya bohahlaudi, le hore hape e tla bontsha hore makeishene a Afrika Borwa a na le tse ngata tse ka bontshwang bahahlaudi ba matswantle le ba tswang kahare ho naha” ho rialo Entile.

Motsamaisi wa tsa Bohahlaudi George, Joan Shaw, o hlalosa hore lenaneo lena le hlahisa le ho bontsha ditso tse fapaneng.

“Lenaneo la rona la *Dine with Locals* le emetse setjhaba se fapafapaneng, se nang le diketsahalo tse seng ka tlase ho tse hlano tse tla bontshwang, e leng sa isiXhosa, Tshivenda, Khoi, Cape Malay

le dijo tsa lewatle tsa ‘Snoek en Patat’ tsa kahare ho naha,” ho bua Shaw.

Kamora masiu ana a dipontsho, dihlopha tsena e tla ba dikgwebo tse felletseng tse fanang ka ditshebeletso ho lekala la Bohahludi ba George,

“Makeishene a Afrika Borwa a na le tse ngata tse ka bontshwang bahahlaudi ba matswantle le ba tswang kahare ho naha.”

eo yona e tlang ho bapatsa le ho rekisa diketsahalo tse etswang teng. ■

Ho palama maqhubu ho tlosa bana diterateng

LEHA BA BANGATA ba bona ho sefa jwalo ka papadi e nngwe le e nngwe, mokgatlo o mong mane KwaZulu-Natal o e entse ketso ya boikgathollo bakeng sa batjha.

Vuyo Ndlovu


Ho phaphama hodi-ma metsi ha se feela papadi kapa ketso e monate bakeng sa batjha ba dulang bohareng ba motseteropo wa Durban ho la KwaZulu-Natal empa e boetse ke mokgwa wa ho balehela diketso tse dimpe tse etsahalang batjheng.

Surfers Not Street Children ke mokgatlo o fanang ka dithupelo tsa mahala tsa ho sefa ho bana ba phelang diterateng le batjha ba sotlehileng ba bohareng ba motseteropo.

Mokgatlo ona ke karabelo e otlolohileng ho tlhokeho ya mahae ya bana mme o netefatsa hore batjha ba etsa ho hong ho molemo ka maphelo a bona.

Masepala wa eThekwinini o sa tswa tshetsa mokgatlo ona ka ho fana ka diboto tsa ho sefa tse 10.

Diboto tsena di etseditse



■ Ba bang ba boramaqhubu ba tswang ho mokgatlo wa *Surfers Not Street Children* le ho mokgatlo wa *KZN Surfing Club* ba fumane diboto tsa ho sefa. Diboto tsena di tla sebediswa bakeng sa ho ithuta.

bakeng sa ho ithuta mme di entswe ka foumu e thusang bomaithutwane ba ho sefa hore ba dule ba phaphametsa kahodima metsi.

Motsamaisi wa lefaphala masepala la dipapadi le boikgathollo Teddi Adams o itse diboto tsena di tla thusa boramaqhubu ba ntseng ba ithuta.

“Phano ena ke karolo ya moralo wa masepala wa ho ntshelelele dipapadi le ho

netefatsa hore batjha bohle, ho sa natswe mohlobo le maemo, ba fihlella ditshebeletso tse tla ba thusa ho ipabola dipapading tseo ba di kgethileng.”

Langelihle Nkosi (16) eo e leng ramaqhubu o lebohile masepala bakeng sa mpho ena.

“Ke natefelwa ke ho tla dithupelong tsa ho sefa hobane di nthusa hore ke dule ke ikwetlisitse mme ke nate-

felwa ke ho palama maqhubu.” Nkosi o kgothalleditse boramaqhubu ba bang ba ntseng ba ithuta hore ba tlo nka karolo le ho ithuta haholwanyane ka ho sefa.

Sandile Mqadi eo e leng morupelli wa ho sefa wa mokgatlo wa *Surfers Not Street Children*, o re mokgatlo ona o ne o reretswe ho ruta bana bokgoni ba ho sefa jwalo ka tsela ya ho batlosa seterateng.

“Re thusa bana ba seterateng le ba tswang malapeng a sotlehileng. Ditshebeletso tsa rona ke tsa mahala mme batjha bohle ho tloha dilemong tse hlano ho isa ho tse 23 ba amohelehile,” ho rialo Mqadi.

O boetse a re diboto tsena tse faneng ke masepala di tla thusa maitekong a bona mme ke bana ba bangata ho feta ba tla kgona ho nka karolo lenaneong lena.

Mokgatlo wa *Surfers Not Street Children* o fana ka dithupelo tsa ho sefa ho tloha ka Mmantaha ho isa Labohlano dipakeng tsa hora ya 08:30 le hora ya 13:30. Batho ba nang le kgahleho ba ka ingodisa Kantorong ya *Surfers Not Street Children* e North Beach.

Masepala o boetse o fane ka diboto tsa ho sefa tse ding hape tse 10 ho Mokgatlo wa *KwaZulu-Natal Surfing Federation*. ■

Lefapha la Bophelo bo Botle la Limpopo le phahamisa bohlokwa ba ho nyantsha

JWALO KA HA NAHA e keteka dilemokgolo tsa Mama Albertina Sisulu, Lefapha la Bophelo bo Botle la Limpopo le rehelletse phaposi ya ho nyantsha ka ena molemong wa batswetse.



■ MEC ya Bophelo bo Botle ya Limpopo, Ngaka Phophi Ramathuba o potilwe ke batswetse ba nyantshang ba tšileng tlhomamisong.

Kanego Lewele le More Matshediso

Ho nyantsha ngwana ho hotle ka ho fetisisa bakeng sa kgolo e ntle le phepo ya masea, empa bongata ba batswetse ba sebetsang ba thatafallwa ke ho tswelapele ho nyantsha ha ba boela mosebetsing kamora matsatsi a mosebetsing a phomolo ya botswetse.

Hona ke hobane ha hona dibaka tse loketseng mese-

betsing e mengata bakeng sa batswetse ba batjha hore ba hame lebeso la bona kapa ba nyantshe bana ba bona nakong tsa mosebetsi, mme ba a nyahama ho tswelapele ho nyantsha hobane ba qeta nako e ngata ba le mosebetsing ntle le masea a bona.

Tekong ya ho sebetsana le bothata bona, Lefapha la Bophelo bo Botle la Limpopo le hlomamisitse phaposi ya pele ya ho nyantsha le ho hama lebeso kahara dika-

ntoro tsa yona.

Phaposi ya ho nyantsha e hlomamisitswe ke Setho sa Lekgotla la Phethahatso (MEC) sa Lefapha la Bophelo bo Botle la Limpopo Ngaka Phophi Ramathuba.

Erehelletswe ka Mama Albertina Sisulu eo ho ketekwang dilemokgolo tsa hae sele-mong sena.

Ho tshejwa hore phaposi ena e ke ke ya tshetsa batswetse ba nyantshang ba sebeletsang lefapha lena

feela, empa e tla kgothaletsa hape le mafapha a mang ho tshetsa batswetse ba nyantshang ba dibakeng tse ding tsa tshebetso.

Basebeletsi ba lefapha ba boetse ba ka tlisetswa masea a bona mosebetsing ke bahlokomedi ba ona ka nako ya dijo tsa motsheare hore ba nyantshe masea. Phaposi e tla boela e sebediswa ke batswetse ba batlang ho hama lebeso la bona nakong ya dihora tsa mosebetsi.

E mong wa basebeletsi ba lefapha Mpho Kutumela eo hape e leng mme wa mafahla a dikgwedi di 11, la moshe-mane le la ngwanana, o thabetse sebaka sena.

“Phaposi ya ho nyantsha e tla re thusa haholo rona batswetse hobane e tla re fa le monyetla wa ho hama lebeso ka tokoloho tikolohong e amohelehileng,” o boletse jwalo.

Batswetse ba etelang lefapha le masea a bona ka lebaka lefe kapa lefe le bona ba tla dumellwa ho sebedisa phaposi ho nyantsha bana ba bona.

MEC Ramathuba o itse phaposi ya Albertina Sisulu ya ho Nyantsha ke yona fee-

la ya mofuta wa yona profenseng.

MEC o tshepa hore ketsahalo ena e tla kenya letsoho phahamisong le tshireletsong ya ditlwaello tsa ho nyantsha ho sa kopanngweng le botlolo ka maikemisetso a ho fihlella maemo a tswang pele a kgolo le bophelo bo botle ba bana.

“Lebeso la letswete le na le dimatlafatsi tsohle tse hlokwang ke masea mme ha le kgone ho hlaliswa ka tsela e seng ya tlhaho,” ho boletse MEC. ■

Melemo ya ho nyantsha

- Lebeso la letswete le na le masole a mmele a thusang lesea la hao ho lwantsha divaerase le dikokwanahloko.
- Ho nyantsha ho fokotsa kgonahalo ya hore lesea la hao le be le dialeji.
- Masea a fuwang letswete le sa kopanngweng le botlolo bakeng sa dikgwedi tsa pele tse tshelletseng a na le kgonahalo e fokolang ya ditshwaetso, bokudi ba matshwafo, le diketshalo tsa letshollo.

New health centre for Port Nolloth

Jauhara Khan

The seaside town of Port Nolloth in the Northern Cape will soon benefit from a full-service community health centre project which promises to enhance access to quality healthcare.

The project is being implemented by the Independent Development Trust (IDT) on behalf of the Northern Cape provincial Department of Health at a cost of about R150 million and is expected to open soon.

Once completed, the building will comprise all primary health facilities including a trauma unit, radiology, dis-

pensary, psychiatric ward, maternity wards and paediatric wards. Consultation rooms will be used for reproductive health services, a psychologist, dietician and other services once constructed.

Work on site also encompasses the construction of facilities for support services including administration and waiting areas, ambulance quarters and parking bays, overnight accommodation for paediatric mothers, a mortuary, kitchen and dining area, stores and maintenance area.

Port Nolloth, located along the Atlantic Ocean, is one of the most remote areas of South Africa with a population of just over 6 000. It is served by

a small government clinic that offers a community-oriented primary health care programme that monitors and works towards the improved health and well-being of families in that area.

The progress on the project is currently at 70 percent. The contractor has been busy with installation of roofing in some of the buildings as well as internal plastering, painting and external work like paving, lighting and parking areas.

The project has created decent job opportunities. A majority of these jobs were reserved for the local community and a lot of the work on site, such as glass fittings and



■ Construction on a new community health centre in Port Nolloth in the Northern Cape is almost complete. The facility will soon offer the small town greater access to healthcare services.

cladding at the reception and waiting areas, were performed by local sub-contractors.

The IDT is an entity of the National Department of Public

Works and supports all spheres of government with social infrastructure management and programme implementation. ■